

ՍԱՐԳՈՆ II-Ը ԵՎ ԱՐԵՎԵԼՅԱՆ ՓՈՔՐ ԱՍԻԱՅԻ ԵՐԿՐՆԵՐԸ

Արևելյան Փոքր Ասիայում Ասորեստանի արքա Սարգոն II-ի (մ.թ.ա. 721-705թթ.) վարած ակտիվ արտաքին քաղաքականությանը մեծ թվով ուսումնասիրողներ են անդրադարձել¹: Հանգամանորեն հետազոտվել են Թարալի մանր պետությունների և Սելիդի հետ Ասորեստանի ունեցած ռազմաքաղաքական փոխհարաբերությունները, հրատարակվել են խնդիրը լուսաբանող ասորեստանյան սեպագիր աղբյուրները: Մասնագետները հանգել են այն եզրակացության, որ Ասարգոն II-ին մ.թ.ա. 713-712թթ. հաջողվեց իր գերիշխանությունը հաստատել տարածաշրջանի բոլոր երկրների նկատմամբ: Ասկայն, միաժամանակ, նշվել է, որ այստեղ Ասորեստանի հաջողությունները դժվար է դիտել որպես վերջնական հաղթանակ, հատկապես քիչ ավելի ուշ շրջանի իրադարձությունների լույսի տակ: Ասորեստանի տիրապետությունը Թարալում և Սելիդում տևեց ընդամենը յոթ-ութ տարի, ավարտվելով մ.թ.ա. 705թ.՝ այստեղ Ասարգոնի կրած պարտությունով, որտեղ վերջինս զոհվեց «Լուլումմանցի Գուրդիի» դեմ մղած ճակատամարտում²:

Սարգոնի վտրբասիական քաղաքականությանն առնչվող աղբյուրների ուսումնասիրությունը պարզորոշ ցույց է տալիս, որ Արևելյան Փոքր Ասիայում մ.թ.ա. 713-712թթ. հետո Ասորեստանի տիրապետության մասին համընդհանուր ընդունելություն գտած կարծիքը որոշակիորեն չափազանցված է: Լուրջ հիմքեր կան ենթադրելու, որ մ.թ.ա. 713թ. թաքալյան Բիթ-Բուրտուաշ պետության արքա Ամբարիսի և մ.թ.ա. 712թ. Սելիդի արքա Թարխունազիի գերվելուց և Ասորեստան տարվելուց մեկ-երկու տարի անց այստեղ Ասորեստանի դիրքերը սկսում են զգալիորեն սասանվել, որի պատճառը թաքալյան երկրներից մեկի՝ Աաունայի հզորացումն էր: Ավելին, ամենայն հավանականությամբ, մ.թ.ա. 705թ. Սարգոն II-ի թաքալյան հակառակորդը հենց Աաունան էր, այլ ոչ ենթադրյալ կիսմերական ցեղերը³: Սեր կողմից ձևակերպված այս վարկածի համաձայն, մ.թ.ա. 713/12-705թթ. ընթացքում Աաունան զգա-

լիորեն ընդարձակվել էր արդեն սեփական պետականությունից զրկված և Ասորեստանի անմիջական հսկողության տակ գտնվող հարևան Բիթ-Բուրուտաշի հաշվին: Ի վիճակի չլինելով սեփական միջոցներով վերականգնել կորցրած ազդեցությունը, Սարգոն II-ը ապավինում էր Մուշկի-Փոյուգիայի աջակցությանը, որն այս պահին հակված էր Ասորեստանի հետ հարաբերությունների նորմալացման: Իրադարձությունների հետագա ընթացքը ցույց տվեց, որ Ասորեստանի տիրապետությունը Արևելյան Փոքր Ասիայում կարճատև էր և մ.թ.ա. 705թ. հետո գրեթե վերացավ. ասորեստանցիները կարողացան պահպանել միայն Դաշտային Կիլիկիան (ասորեստանյան աղբյուրներում՝ Կուե):

Առաջարկվող հողվածում վարձ կարվի պարգաբանել Սարգոնի փոքրասիական քաղաքականության որոշ կարևոր խնդիրներ, որոնց լույսի տակ զգալիորեն կխորանան ուսումնասիրվող տարածաշրջանի պատմության վերաբերյալ պատկերացումները:

Դեպի Ուրարտու մ.թ.ա. 714թ. Սարգոն II-ի ձեռնարկած ավերիչ արշավանքը⁴ շրջադարձային եղավ Ասորեստանի վտյուրասիական քաղաքականության մեջ: Փաստորեն, մինչև Ուրարտուի ջախջախումը, Ասորեստանն ի վիճակի չէր ազատորեն գործելու Տավրոսից հյուսիս ընկած և Թիգլաթպալասար III-ի կողմից հպատակեցված երկրներում, այդ թվում Մելիդում: Արևելքից Ուրարտուն, արևմուտքից Մուշկի-Փոյուգիան զգալի ազդեցություն էին ձեռք բերել այս տարածաշրջանում: Դատելով Ասարգոն II-ի տեքստերից, Մելիդը և Թաբաթի երկրները դաշնակցային հարաբերությունների մեջ էին մտել Ուրարտուի և Մուշկիի հետ⁵: Այստեղ Սարգոնի ձեռնարկած պատժիչ միջոցառումը (Շինուխտուի պետության վերացումը)⁶ ցանկալի արդյունքի չհանգեցրեց: Մասնավորապես, հայտնի է այս շրջանում Ասորեստանից կախյալ Կուեի արքա Ուրիկկիի՝ Ուրարտու առաքած դեսպանությունը⁷, Ատունայի արքա Կուրտիսի և Բիթ-Բուրուտաշի արքա՝ Սարգոնի դրածո Ամբարիսի հակաասորեստանյան գործունեությունը: Ժամանակավորապես չեզոքացնելով ուրարտական սպառնալիքը, Սարգոն II-ը դիմեց կտրուկ միջոցառումների: Նույն մ.թ.ա. 713թ. ձեռքակալվեցին և Ասորեստան տարվեցին Ամբարիսը և Մելիդի արքա Գունգինանին⁸: Եվ եթե Մելիդում նշանակվեց նոր արքա՝ Թարիաւնագին, ապա Ամբարիսի երկիրը հայտնվեց Կուեի ասորեստանյան կառավարչի հսկողության տակ¹⁰: Սակայն այս միջոցառումները չվախեցին տարածաշրջանում ծավալվող իրադարձությունների ընթացքը: Ժամանակավորապես իր հակաասորեստանյան գործունեությունը դադարեցրած Ատունայի արքա Կուրտիսը վերսկսում է տարածքային զավթումները ի հաշիվ Ասորեստանին ենթակա Բիթ-Բուրուտաշի: Այդ մասին հիշատակվում է Սարգոնի՝ Կուեի իր կառավարչին գրված, սակայն չառաքված նամակում¹¹: Որ այս հաղորդումը համապատասխանում էր իրականությանը, կարելի է համոզվել ժամանակակից էրջիյաս լեռան (անտիկ աղբյուրների Արգեսոս) լանջերին Կուրտիսի անունը պարունակվող երեք

հիերոգլիֆային լուսկական արձանագրությունների¹² հայտնաբերման փաստի հիման վրա: Ահա այս պահից իրադարձությունների ընթացքը դժվար է բացահայտվում:

Հայտնի է, որ մ.թ.ա. 712թ. դեպի Սելիդ կազմակերպված արշավանքի ընթացքում վերջինիս արքա Թաբխունագին ամրացել էր Թիլգարիմում քաղաքում: Նշանակում է, որ այս քաղաքը գտնվել է Սելիդի արքային ենթակա տարածքում¹³: Թաբխունագիին զահագրկելուց հետո Սարգոնը Սելիդի համանուն մայրաքաղաքը հանձնել էր Տավրոսից հարավ գտնվող մեկ այլ լուսկական պետության՝ Կումմուխին (անտիկ աղբյուրների Կոմմագենե)¹⁴: Այս գործողության նպատակը, թերևս, հետևյալն էր: Ապագայում Սելիդի անհնազանդությունը կանխելու նպատակով Սարգոնը այն մասնատեց երկու մասի: հիմնականը՝ Սելիդ մայրաքաղաքով հանձնվեց իրեն լույս Կումմուխին, մյուս մասում, հավանաբար, պիտի տեղադրվեին ասորեստանյան կայսրները: Սա, իհարկե, միայն ենթադրություն է, քանի որ հայտնի չէ Սելիդի՝ Կումմուխին չհանձնված տարածքի ճակատագիրը: Նման քայլ Սարգոնը ձեռնարկել էր դեռ մ.թ.ա. 718թ., երբ պարտված Շինուխտուի մի մասը՝ մայրաքաղաքով հանդերձ հանձնվել էր հարևան Ասուրային¹⁵: Այսպիսով, Սարգոնը ձգտում էր վերացնել Սելիդի վարչական ամբողջականությունը: Հարկ է նշել, որ այս քաղաքականությունը սպասելի արդյունքներ չտվեց, քանի որ երեք տարի անց՝ մ.թ.ա. 708թ. Կումմուխի արքա Մուտալլուն, ըստ Սարգոնի, դաշինք կնքեց Ուրարտուի արքա Արգիշտի II-ի հետ, որից հետո Ասորեստանի արքան, զրավելով Կումմուխը, այն վերածեց մարզի¹⁶: Թե ինչպես վարվեց Սարգոնը Սելիդի՝ Կումմուխին հանձնված մասի հետ վերջինիս վերացումից հետո, հայտնի չէ:

Մ.թ.ա. 712թ. իրադարձությունները հատուկ քննարկման կարիք ունեն: Բանն այն է, որ, վերացնելով Սելիդի ինքնուրույնությունը, Սարգոնը սահմանների մոտ ստեղծեց ամրությունների շղթա: Այդ մասին ուղղակի տեղեկություններ կան Սելիդի վերջին արքայի գերեվարման մասին պատմող տեքստում: Այստեղ հայտնվում է թվով տաս քաղաքների ամրացման մասին, որոնք պիտի իսկեին Ուրարտուի, Մուշկի-Փոյուզիայի և մեկ այլ քաղաքական միավորի տահմանները: Դրանք էին՝ Լուխսու, Բուրդիթ, Անմուրու, Կիլակա, Անդուարասալիա (Ուրարտուի դիմաց), Ուսի, Ուսիան, Ուարգին (Մուշկիի դիմաց), Էլիթիթ և Շինդարարա (երկրի անունը տեքստում վնասված է):

Մինչև Սարգոնի վերահիշյալ միջոցառումների նպատակը քննարկելը ներկայացնենք նշված քաղաքների (ավելի ճիշտ՝ ամրոցների) տեղադրությունը:

Ուրարտուի դիմաց կառուցված թվով հինգ ամրոցների համար դեռ ժամանակին է. Ֆոտերը առաջարկել էր հետևյալ տեղադրությունները¹⁷:

Բուրդիթ. = ժամանակակից Պուրտեյրու, Զիմարայից 7կմ հարավ-արևմուտք՝ Դիվրիդիից Էրզրում տանող ճանապարհի վրա:

Անմուրու. = Կեբան մադենի դիմաց՝ Եփրատի արևմտյան ափից ոչ հեռու ընկած Նեմերի կռվող բնակավայրը:

Կի[ակա]. = հռոմ. Կիակա, հայկ. Ջերմուկ՝ Մալաթիայից 31 կմ հյուսիս:

Անդուարսալիա. ժամանակակից Իզմիրի շրջան:

Լուխսուի համար Է. Ֆոռերը ոչինչ չի առաջարկում:

Ս. Երեմյանը Բուրդիրը հակված է տեղադրելու բյուզանդական աղբյուրների Amara-ի տեղում (ժամանակ. Էմիրբոյ՝ Աբգուվանից ոչ հեռու)¹⁸:

Այսպիսով, ակնհայտ է, որ Ուրարտուի դիմաց ստեղծված ամրությունները գտնվում էին Եփրատի արևմտյան ափերի երկայնքով: Այս հանգամանքը ստիպում է ենթադրել, որ մ.թ.ա. 712թ. Մելիդի արևելյան սահմանը կազմում էր Եփրատ գետը, որից արևելք այն նվաճած Արագոնը համարում էր թշնամական տարածք:

Մուշկիի դիմաց ստեղծված ամրությունների խնդիրը, ի տարբերություն Գալաթի, շատ ավելի բարդ է: Է. Ֆոռերը Ուսին նույնացնում է հռոմ. Chusa-ի հետ՝ ժամանակակից Նեվշեհիր քաղաքից 37 կմ հարավ¹⁹: Ուսիանը համարվում է հռոմ. Osiana-ի հետ՝ Նեվշեհիրից 30 կմ հյուսիս-արևմուտք²⁰: Ուարգինը պիտի գտնվեր ինչ-որ տեղ Հալիսի ոլորանի ներսում՝ Կեսարիա-Կայսերիից անտիկ աղբյուրների Tavius տանող ճանապարհի վրա²¹:

Վերջին երկու ամրությունները ենթադրաբար գտնվում են Մալաթիայից հյուսիս: Է. Ֆոռերը գտնում էր, որ դրանցից Էլլիբիրը պիտի գտնվեր Մալաթիայից Սիվաս տանող ճանապարհին՝ Հալբուր-Վիրան կոչվող վայրում, իսկ Շինդարարան ժամանակակից Սինջանն է՝ Դիվրիդիից Ջարա տանող ճանապարհի վրա²²: Հեղինակը արժանագրության տեքստի վնասված մասում հակված էր վերականգնելու կասկերի երկրի անվանումը: Այս տեղադրությունները չեն վիճարկվում հետազոտողների կողմից, սակայն ինչ վերաբերում է Կասկուի վերականգնմանը, ապա այստեղ ամեն ինչ չէ որ պարզ է: Բանն այն է, որ կասկերի երկրի հիշատակությունը Սարգոն II-ի տեքստերում²³ որևէ հիմք չի տալիս այն դիտելու որպես էական սպառնալիք Ասորեստանի համար: Այնպես որ այս հարցը առայժմ բաց է մնում:

Փորձենք մեկնաբանել փռյուզական սահմանների մոտակայքում կառուցված ամրությունների հարցը:

Վերոհիշյալ երեք ամրոցների տեղադրությունը Թաբալի արևմտյան սահմանների մոտակայքում ինքնին արդեն վկայում է այն մասին, որ տվյալ պահին Ասորեստանը Թաբալը դիտում էր որպես իր անմիջական գերիշխանության տակ գտնվող տարածք: Մելիդի և Բիթ-Բուրտուտաշի տեղական արքայատոհմերի վերացումից հետո իսկապես դրա համար հիմքեր կային: Փաստորեն, մ.թ.ա. 712թ. վաքրասիական երկրներից ներքին ինքնուրույնությունը պահպանել էր միայն Մաունան, որը, սակայն, Բիթ-Բուրտուտաշի արքա Ամբաբիսի պարտությունից ու գերեվարվելուց հետո ստիպված էր եղել հնազանդություն հայտնել Սարգոնին²⁴:

Անկասկած, մ.թ.ա. 713-712թթ. կարելի է համարել Փոքր Ասիայում Ասորեստանի ռազմաքաղաքական հաջողությունների բարձրակետը: Որովհետև քիչ անց իրադարձությունների ընթացքը ակնհայտորեն ի վնաս Աստ-

րեստանի էր: Մ.թ.ա.710/09թ. քվագրվող Սարգոն II-ի նամակում՝ ուղղված Կուեի ասորեստանյան կառավարչին⁴, հայտնվում է Սաունայի հակաասորեստանյան գործողությունների մասին: Մասնավորապես ասվում է, որ Ասունան գրավել էր Բիթ-Բուրուտաշի մի շարք բնակավայրեր: Այս նամակում հաղորդվում է նաև այն մասին, որ Ասորեստանի և Մուշկիի հարաբերությունները բարելավվել են և Սարգոնը հույս ունի վերջինիս օգնությամբ հաշվեհարդար տեսնել քաբայյան երկրների հետ: Նկատի ունենալով վերոհիշյալ նամակի արտակարգ կարևոր նշանակությունը, ներկայացնենք դրանից որոշ հատվածներ.

«Ինչ վերաբերում է քո գրածին. Մուշկիի Միաայի բանագնացը եկավ ինձ մոտ, բերելով ինձ Կուեի տասնչորս մարդկանց, ում Ուրիկը ուղարկել էր Ուրարտու որպես դեսպաններ՝ դա շատ լավ է: Իմ աստվածներ Աշշուրը, Շամաշը, Բելը և Նաբուն հիմա գործել են և առանց կովի կամ այլ բանի մուշկը [նկատի ունի Միաային - Ա.Բ.] տվել է իր խոսքը և դարձել մեր դաշնակիցը» (ND 2759):

«Ինչ վերաբերում է քո գրածին. «Ես չպետք է ուղարկեմ իմ բանագնացին մուշկի մոտ առանց արքայի՝ տիրոջս թույլտվության», այժմ ես ասում եմ քեզ, որ դու չպիտի կտրես քո բանագնացին մուշկի ներկայությունից: Գրիր նրան բարեկամական խոսքերով և միշտ տեղեկացիր նրա մասին, մինչև ես ժամանակ կունենամ»:

Այնուհետև խոսվում է Մուշկիի հետ հետագայում բարիդրացիական հարաբերություններ պահպանելու մասին, որից հետո հայտնվում է հետևյալը.

«Ինչ վերաբերում է քո գրածին. Ուրբալան [կարող է հեռանալ] արքայից՝ տիրոջիցս, այն պատճառով, որ ատունացիները և իշտունդացիները եկել և գրավել են Բիթ-Պարուտայի քաղաքները՝ այժմ, երբ մուշկը մեզ հետ խաղաղություն է հաստատել և [...] ինչ կարող են այսուհետև անել Թաբալի արքաները: Դու կսեղմես նրանց, այդ կողմից, իսկ մուշկը այն կողմից, այնպես որ դու քո գոտին կզցես նրանց վրա»:

Սարգոնի նամակի շնորհիվ պարզվում է փոքրասիական տարածաշրջանում մ.թ.ա.712թ. անմիջապես հաջորդող ժամանակահատվածում սկսված քաղաքական իրադարձությունների պատկերը:

Առաջին կարևոր եզրակացությունը այն է, որ Մուշկիի և փոքրասիական երկրների միջև այլևս չկային դաշնակցային հարաբերություններ, ինչպիսիք վկայված են մի քանի տարի ավելի վաղ շրջանի համար: Այս ստույգ հատկանշական է Կուեի կախյալ արքա Ուրիկկիի՝ Ուրարսու ուղարկված 14 մարդուց բաղկացած զաղումի դեսպանության ձեռքակալումը Մուշկիի տարածքում և հանձնումը Ասորեստանին, ինչի մասին հաղորդվում է Սարգոնի նամակի սկզբում: Դժվար է ասել, թե ինչով էր պայմանավորված դեռ ոչ վաղ անցյալում անհաշտ հակառակորդների մերձեցումը: Հետաքրքիր է, որ դրա նախաձեռնությունը գալիս էր Մուշկիից, քանի որ Սարգոնը երկու երկրների հարաբերությունների բարելավման մասին, ըստ նամակի, տեղեկանում է

Կուեի կառավարչից: Այստեղ հնարավոր են երկու բացատրություններ: Առաջին, Մուշկիին ձեռնառու չէր Ասորեստանի հետ լարված փոխհարաբերությունների պահպանումը և նրա արքա Սիտան ցանկանում էր վերջ տալ հակամարտությանը, բավարարվելով արևելափոքրասիական տարածաշրջանի նկատմամբ նվազագույն ազդեցության հեռանկարով, որ խոստանում էին թաքալյան երկրների դեմ Ասորեստանի հետ համատեղ ձեռնարկվելիք միջոցառումները: Երկրորդ, Թաքալում ի հայտ եկած քաղաքական նոր ուժերը ինչ-որ սպառնալիք էին պարունակում Մուշկիի համար: Ներկայումս հնարավոր չէ նախապատվությունը տալ վերոհիշյալ պատճառներից որևէ մեկին, չնայած, որոշ փաստարկներ ստիպում են հակվել երկրորդի կողմը²⁶:

Երկրորդ եզրակացությունը թաքալյան Ատունայի ռազմաքաղաքական վերելքն է, որ հանգամանորեն քննարկվել է մեր նախորդ ուսումնասիրություններում²⁷: Ընդ որում, Ատունայի հակաասորեստանյան գործողությունների սկիզբը, մ.թ.ա. 713թ. վկայված ժամանակավոր դադարից հետո, կարելի է բավական հստակ թվագրել մ.թ.ա. 712-710թթ. միջև ընկած ժամանակահատվածով: Դրանք պիտի սկսվեին Սարգոնի կողմից Մուշկիի դիմաց սահմանային ամրությունների կառուցումից հետո:

Երրորդ եզրակացությունը Սարգոնի վտրասիական քաղաքականության մեջ թաքալյան երկրներից մեկի՝ Տուվանային (ասորեստանյան աղբյուրներում՝ Տուխանա) հատկացված դերն էր: Նամակում հիշատակվող Ուրբալան նույն ինքը հիերոգլիֆային աղբյուրներից հայտնի Տուվանայի արքա Վաբալալասն է: Թե ինչու պիտի Ուրբալան երես թեքեր Ասորեստանի Բիթ-Պարուտայի (Բիթ-Բուրուտաշի գրության ձևերից մեկը) քաղաքները Ատունայի և Իշտունդայի կողմից զավթվելուց հետո, կարող է պարզվել Սարգոնի քաղաքականությունը բնորոշող քիչ ավելի վաղ շրջանի իրադարձությունների լույսի տակ: Հայտնի է, որ Ամբարիսի ձերբակալումից հետո Բիթ-Բուրուտաշում կառավարել է նրա կինը՝ Սարգոնի դուստր Ախատ-արիշան²⁸: Չնայած առայժմ պարզ չէ վերջինիս կարգավիճակը Բիթ-Բուրուտաշում, սակայն մ.թ.ա. 712թ. Մելիդի, իսկ մ.թ.ա. 718թ. Շինուխտուի թագավորությունների վերացումից հետո այդ երկրների տարածքի երկատման փաստը արդեն իսկ կարելի է ընդունել որպես Ասորեստանի արքայի քաղաքականությանը բնորոշ երևույթ: Վերջին երկու դեպքերում վերացված թագավորության մի մասը հանձնվում էր հարևան լուվիական պետությանը՝ լրացուցիչ հարկ վճարելու պայմանով²⁹: Ամենայն հավանականությամբ, նույնպես էր վարվել Սարգոն II-ը նաև Բիթ-Բուրուտաշի հետ: Պետության մի մասը մնացել էր Ախատ-Աբիշայի կառավարման ներքո (հավանաբար, Կուեի կառավարչի գերակայությամբ), իսկ մյուս մասը հանձնվել էր Ասորեստանին լույս Տուվանային:

Վերոհիշյալ եզրակացությունների լույսի տակ անհնար է անտեսել մի կարևոր դիտարկում: Թվում է, որ պատահական չի կարելի համարել Մուշկիի ասորեստանամետ դիրքորոշման և Ատունայի հակաասորեստանյան

ակտիվության սինխրոնիզմը: Որ դա իրոք այդպես է, դժվար չէ համոզվել առկա աղբյուրների լույսի տակ:

Մ.թ.ա.713թ. Բիթ-Բուրտուաշի արքա Ամբարիսը համագործակցում էր Մուշկիի հետ, և, բնականաբար, վերջինս դիտվում էր որպես Ասորեստանի հակառակորդ: Մ.թ.ա.712թ. Սարգոնը Մուշկիի սահմանների մոտակայքում ամրոթյուններ էր կառուցում՝ հնարավոր հարձակումներին դիմագրավելու նպատակով: Իսկ մ.թ.ա.710 կամ 709թ. ամմիջապես նախորդող շրջանում Ատունան գրավել էր Ասորեստանին ենթակա (ասորեստանամետ Տուվանա-յի միջնորդավորմամբ) Բիթ-Բուրտուաշի բնակավայրերը և Մուշկին ձգտում էր մերձենալ Ասորեստանի հետ:

Արդյո՞ք այս երկու իրադարձությունները վտխկապակցված չէին: Պատասխանը չի կարող միանշանակ լինել փաստական նյութի բացակայության պատճառով: Թեև, նկատի ունենալով Սարգոն II-ի պատսիվությունը ընդհուպ մինչև նրա մ.թ.ա.705թ. ճակատագրական արշավանքը դեպի Թաբալ, կարելի է ենթադրել, որ այստեղ արագորեն ձևավորվում էր մի լուրջ քաղաքական ուժ³⁰, որը և հարկադրեց Սարգոնին անձամբ գլխավորելու քաղաքական պատերազմը: Չի կարելի բացառել Ատունայի՝ դեպի արևմուտք ուղղված ռազմական ակտիվության հնարավորությունը:

Թաբալյան Ատունայի կողմից Տուվանային հանձնված Բիթ-Բուրտուաշի քաղաքների զավթումը, թվում է, որոշակիորեն պայմանավորված էր նաև էթնիկական դրդապատճառներով: Բանն այն է, որ մ.թ.ա.720-ական թվականներին Թաբալում, Ասորեստանի մասնակցությամբ, կարծես տեղի էր ունենում մի առայժմ դժվար տեսանելի պրոցես: Այն կարելի է ներկայացնել որպես ավանդաբար անհնազանդություն դրսևորող լուվիական պետությունների դեմ տեղում հակակշիռ ստեղծելու քաղաքականություն: Վերջինս իրականացվում էր լուվիական արքայատոհմերին ենթադրաբար այլ էթնիկական բովանդակություն ունեցող արքայատոհմերով վախարհինելու միջոցով: Որպես այդ քաղաքականության դրսևորում պիտի համարել դեռ Թիգլաթ-պալասար III-ի կողմից մ.թ.ա.732-729թթ. ընթացքում Թաբալի արքա Վատուսարմասի փոխարեն ոչ արքայական ծագում ունեցող Խուլլիի (հիերոգլիֆային աղբյուրներում՝ Խուլիա) թագադրումը³¹:

Այս իրադարձությունը կարևորվում է երկու դիտարկումների միջոցով.

1) Խուլլիի կառավարումից հետո է միայն այս պետությունը ասորեստանյան աղբյուրներում սկսում կոչվել «Բիթ-Բուրտուաշ» (նաև՝ Բիթ-Բուրիտիշ, Բիթ-Պարտուա): Բանն այն է, որ պետականության լավ ավանդույթներ ունեցող Թաբալում «բիթ» («տուն») բաղադրիչով պետական կազմավորման հայտնվելը առնվազն տարօրինակ է: Ասորեստանյան տեքստերում անվանադիր նախնու անունից կամ ցեղանունից կազմված այսպիսի պետականությունները բազմիցս հիշատակվում են արամեական, քաղդեական, մարական և այլ ցեղապետությունների առնչությամբ:

2) Խուլլիի և նրա որդու՝ Ամբարիսի անունները չեն կարող սատուգաբան-

վել խեթա-լուվիական լեզուների հիման վրա: Նույնը նաև հարևան Աաուճա-
յի՝ առայժմ հայտնի երկու արքաների անունները՝ Ասխու(ի)ս և Կուրտիս:

Թերևս, առայժմ վաղ է հետուն գնացող եզրակացություններ անել վերո-
հիշյալ փաստարկների հիման վրա, սակայն հետագայում լրացուցիչ փաս-
տերի հայտնվելու դեպքում դրանք կարող են զգալի պարզություն մտցնել
Սարգոնի վաքրասիական քաղաքականության լուսաբանման հարցում:
Ուստի այստեղ սահմանափակվենք միայն աշխատանքային վարկած ա-
ռաջադրելով. Բիթ-Բուրուտուաշի և Աաուճայի արքայատոհմները, ամենայն
հավանականությամբ, լուվիական չեն եղել, այլ ներկայացրել են տարա-
ժաշրջանի մեկ այլ էթնիկական խումբ, որին Սարգոն II-ը օգտագործել է լու-
վիական պետությունների անջատողական միտումների դեմ իր պայքարում:
Ըստ այդմ, Աաուճայի կողմից Տուվանային հանձնված՝ նախկինում Բիթ-
Բուրուտուաշին պատկանող տարածքների գրավումը պիտի դիտել որպես
Թաբալի երկրորդ (ոչ լուվիական) էթնիկական տարրի պայքար ընդդեմ Ա-
սորեստանի: Սարգոնի կողմից Թաբալում և Մելիդում մ.թ.ա.718-713թթ. ի-
րականացված քաղաքականության արդյունքում տեղի լուվիական պետու-
թյունները գրկվեցին ոչ միայն իրենց արքայատոհմներից, այլև ազնվականու-
թյունից և բնակչության զգալի զանգվածից: Այս ժամանակաշրջանի տեքս-
տերում շատ են բնակչության բռնի տեղահանման մասին տեղեկություննե-
րը³²: Տեղահանված բնակչության փոխարեն Թաբալում և Մելիդում բնակեց-
վում էին Միջագետքից բերված ժողովուրդներ: Այս պարագայում նախա-
կահարմար չէ ենթադրել, որ նյութական և մարդկային մեծ կորուստներ
կրած լուվիական մանր պետությունները կարող էին հաջորդությամբ դիմագ-
րավել Ասորեստանին: Թաբալում տիրող այն իրավիճակը, որ վերականգն-
վում է Սարգոն II-ի՝ Կուեի կառավարչին ուղղված նամակի հիման վրա, են-
թադրում է այստեղ մեծ ռազմական պոտենցիալ ունեցող էթնիկական տար-
րի գոյություն: Մ.թ.ա.705թ. և հաջորդող տասնամյակների իրադարձություն-
ները վերոհիշյալ ենթադրության լավագույն վկայություններն են: Թաբալում
տիրող՝ Ասորեստանի համար աննպաստ իրավիճակը, հակառակ Մուշկիի
հետ կապված Սարգոն II-ի սպասելիքների, հաջորդող 4-5 տարիների ըն-
թացքում էլ ավելի խորացավ, ստիպելով Ասորեստանի արքային անձամբ
գլխավելու այդ խնդրով: Իսկ Աարգոնի զոնվելուց հետո Թաբալում և Մելի-
դում ձևավորվեցին երկու նոր պետություններ, որոնք այսուհետև, իրենց գո-
յության գրեթե ողջ ընթացքում, այլևս չէին գտնվում Ասորեստանի գերիշխա-
նության տակ: Սի պահ մույնիսկ նրանք միավորվեցին մեկ պետության մեջ, որը
հայտնի է Աշշուբանասալի տեքստերից որպես Թաբալի թագավորություն³³:

SUMMARY

The paper deals with several aspects of Anatolian policy of Sargon II of Assyria (721-705 B.C.), which could further our knowledge of the main tendencies of the ethnopolitical development of this region.

The author puts down a hypothesis, according to which, during the Anatolian expansion of Sargon II the royal dynasties of two kingdoms - Bit-Burutash and Atuna (south-central Asia Minor) were representing an intrusive ethnic group, rather than local Luwian population. Assyrian kings had made use of this new ethnic element in their north-western policy against Luwian kingdoms of Tabal (late Tiglathpileser III, Shalmaneser V and early Sargon II). But soon after Sargon II, s accession, Bit-Burutash and Atuna started to show separatism which led to the weakening of Assyria, s positions in Tabal and whole eastern Asia Minor, culminating in 705 B.C. campaign against Gurdy of Kulumman. As a result, Assyria lost any control over territories to the north of Taurus range.

ԾԱՆՈԹԱԳՐՈՒԹՅՈՒՆՆԵՐ

1. H.Tadmor, The Campaigns of Sargon II of Assur: a chronological-historical study, "Journal of Cuneiform Studies" 12, 1958, p.22ff.; J.N.Postgate, Assyrian Texts and Fragments, "Iraq" 35, 1973, p.13ff.; J.D.Hawkins, Assyrians and Hittites, "Iraq" XXXVI, 1974, P.1/2, p.67ff.; The Neo-Hittite States in Syria and Anatolia. - In: "Cambridge Ancient History", vol.III/1, 1982, p.409ff.; M.Wäfler, Zu Status und Lage von Tabal, "Orientalia" 52, fasc.1, 1983, S.182ff.; B.Lanfranchi, Sargon, s Letter to Assur-šarru-uur: an Interpretation, "State Archives of Assyria and Babylonia. Bulletin" II/1, 1988, p.59ff; Ա.Քոսյան, Տուն Թորգոմայ, Եր., 1998, էջ. 18-32; Նույնի՝ Sargon II and Atuna: an Interpretation. - «Ակադեմիկոս Գազիկ Սարգսյանի ծննդյան 70-ամյակին նվիրված հոբելյանական ժողովածու» (հանձնված է հրատարակության): Սարգոն II-ի փոքրասիական քաղաքականության հարցը հանգամանորեն քննարկվել է Ս.Երեմյանի կողմից (Կիմերական և սկյութական ցեղերի արշավանքները և Ուրարտուի ու Ասորեստանի պայքարը բռնկումների դեմ, «Պատմա-քաղաքական հանդես», 1968/2, էջ.100-105): Հոդվածի լույս տեսնելուց հետո ընկած շրջանում զգալիորեն աճել է սկզբնաղբյուրների և համապատասխան ուսումնասիրությունների քանակը, որոնք ստիպում են կրկին անդրադառնալ խնդրո առարկա քննարկին: Հեղինակի մի շարք փաստեր և եզրակացություններ արդեն հնացած են կամ ուղղակի սխալ, որոնք կնշվեն սույն ուսումնասիրության համապատասխան հատվածներում:

2. Ս.Երեմյանը, հետևելով Մ.Շորիքին, Կուլումմանը տեղադրում էր Ուրմիա լճից հարավ-արևմուտք ընկած Ժամանակակից Ուշնուե քաղաքի շրջանում, իսկ Սարգոն

II-ի հակառակորդներին նույնացնում էր կիսմեդերի հետ (նույն տեղում, էջ 105, ծան.64). երկու տեսակետներն էլ որևէ հիմք չունեն, քացի վերոհիշյալ տեղանուններից առաջինի արտաքին մանությունից փոքրասիական խորությունային: Բանն այն է, որ Սարգոնի մ.թ.ա.705թ. ճակատագրական մասին հայտնի երկու տեքստերը հստակ մատնանշում են Թարալը (H.Tadmor, "Journal of Cuneiform Studies", vol.12, 1958, p.97):

3. Մ.թ.ա.705թ. Թարալում Սարգոն II-ի հակառակորդ «Կուլումմանցի Գուրդիի»՝ քաքայյան Ստունաշի հետ անվիճելի կապի մասին տեսակետը տես Ա.Բոսյան, Տուն Թորգոմայ, էջ. 29-32; 'Նույնի' Sargon II and Atuna: an Interpretation:

4. F.Thureau-Dangin, Une relation de l'huitieme campagne Sargon II, Paris, 1912: արշավանքի երթուղի շուրջը՝ Н.В.Арутюнян, Топонимика Урарту, 1986, с.292 слл.

5. D.D.Luckenbill, Ancient Records of Assyria and Babylonia. vol.I-II, Chicago, 1926-1927 (hereafter ARAB), I §§ 8, 55, 64, 118.

6. ARAB II § 55.

7. Այդ մասին տես ստորև տեքստում:

8. ARAB II §§ 25, 55.

9. ARAB II §§ 72, 92, 99.

10. Դատելով Սարգոնի՝ Կունի ասորեստանյան կառավարչին ուղղված նամակից, Բիթ-Բուրոստաշի մի մասը հանձնվել էր հարևան Տուվանային (տես ստորև):

11. Այդ մասին տես ստորև տեքստում:

12. P.Meriggi, Manuale di Eteo Geroglifico, P.II: Testi – 2 a e 3 a serie, Roma, 1975, Nos.68-70.

13. Ըստ Սարգոն II-ի տեքստերի, Թիլ-Գարիմնուն հանդիսացել է Սելիդի քաղաքներից մեկը: Ընդ որում, Թիլ-Գարիմնուն պետություն ստեղծած Գուրդիի դեմ արշավանքի նկարագրության մեջ այն հիշատակվում է որպես Թարալի սահմանի մոտ գտնվող քաղաք (ARAB II §§ 290, 292): Սարգոն II-ի և Սինաքերիթի օրոք Թիլ-Գարիմնուն, ակնհայտորեն, նախկին Սելիդի կարևորագույն կենտրոնն էր դարձել: Բավարար հիմքեր կան պնդելու, որ մ.թ.ա.VIIIդ. վերջին քառորդում Սելիդում կառավարած Սարգոնի դրածոներ Գունգինանին և Թարխունագին ծագում էին Թիլ-Գարիմնուից (այս խնդիրը հատուկ ուսումնասիրության առարկա է):

14. ARAB II §§ 27, 45.

15. ARAB II § 55.

16. ARAB II § 45, 64.

17. E.Forrer, Die Provinzeinteilung des assyrischen Reiches, Leipzig, 1920, S.75.

18. Ս.Երեմյան, «ՊԲՀ», 1968/2, էջ 104, ծան.60:

19. E.Forrer, Op.loc., S.76; Ս.Երեմյան, «ՊԲՀ», 1968/3, էջ 104:

20. E.Forrer, Op.loc.; Ս.Երեմյան, Նույն տեղում:

21. E.Forrer, Op.loc.; Ս.Երեմյանը Ոսարգինը փնտրում է անտիկ աղբյուրների Tiyana-ի շրջանում՝ Հալիսից հարավ (Նույն տեղում):

22. E.Forrer, Op.loc., S.75f.

23. ARAB II §§ 80, 92, 99.

24. ARAB II, § 214.

25. J.N.Postgate, "Iraq" 35, 1973, p.13ff.; S.Parpola, The Correspondence of Sargon II, P.I: Letters from Assyria and the West, Helsinki, 1987, N.1, 3ff.

26. Այս խնդիրը կքննարկվի մեկ այլ աշխատությունում:

27. Ա.Քոսյան, Տուն Թորգոմայ, էջ 18-27:
28. Այդպես է ենթադրում Ն.Փոսթգեյթը (J.N.Postgate, "Iraq" 35, 1973, p.31):
29. ARAB II § 55.
30. Այս վարկածը առաջ է քաշվել մեր նախորդ աշխատություններից մեկում Ա.Քոսյան, Տուն Թորգոմայ, էջ. 18-32:
31. Խոսլյին արքա էր նշանակվել մ.թ.ա.732-729թթ. միջև, լուվիական արքա Վասուսարմասի (ասորեստ. Վասատրմե) ապստամբության ճնշումից հետո: Այս Խոսլյին զահազրկվել էր Սարմանասար V-ի օրոք (մ.թ.ա.726-722 թթ.), սակայն վերահաստատվել էր զահին Սարգոնի կողմից (տես M.Wäfler, "Orientalia" 52, fasc.1, 1983, S.183f):
32. Ա.Քոսյան, Տուն Թորգոմայ, էջ.18-19:
33. ARAB II, § 781.